

Qulliq Alrujaqtuqtunik Ikumadjutiit
D. Akoak Jr.
PO Box 250
Iqaluit, Nunavut X0A 0H0 Canada
Hivajauta: 867 222 4820
DAkoak@qec.nu.ca

Kugaaruk Havaakhaq Titirarhimayuk

Qulliq Auladjutiqhanut Kuapuraisinga (QEC) Nunavut Kavamanut (GN) ukiuqtaqtumi kuapuraisiuyuq. Aulapkaivaktut 25nik uqhurjuaqtuqtunik pauwaqarviinik, QEC-kut avaliittut tuniuqhaijiujut alrujaqtuutikhanik imaatut amigaittunut 15,000 atuqtiujut aviktuqhimaajumi.

Qulliq Auladjutiqhanut Kuapuraisinga uktuqtut nappaqtirilutik aulapkailugitlu nutaamik pauwaqqaqviaviqhamik Hamlangganni Kugaarjukmi ittuq Kitikmeot Avikturvianni Nunavunmi (havaaqhaq). Kugaaruk nunalaangujuq anginirmik alrujaqtuutikharnik piqaqtukhauliqtuq, tamangnun inugiarjumiligami igluqaqtuni atauhirmi atuinaqtun pauwaktuutikharnik. Hadja pihimayuk pauwaqqaqvia nappaktauhimayuk 1974 mi tikiutigiplunilu igluqpaup atugaqhaatigut. Tamna pauwaqtuutivik utuqanguliqtumi nuutaangujungnaiqhunilu, ajungnautivalialiaqtuq ihuaqhaijaangat, puawaktuutikhaq ajungnautigivalianiaqtuq. Atuguminaitun ingilrutikhat ajuqhaqtitihimaarniaqtuq tamangnun hamlaatmun pauwaikvikhangit aularjumirniatun hivutunirmik.

Una tughiqtaujuq amigaitunun-ukiunun havaaghaq ilaujuq nutaaq hitamanik-ingniqutiqaqtuq pauwaqtuut igluqpak iliuraqtauhimajuq aktilaanganik imaa 2,400 kilowattsmik, havagiikhimaniaqtuq auladjutikharnik avatqulugu 40nik ukiunik. Aulatitinaqtuq nuutaanik alrujaqtuutikharnik ihuarjumirutikharnik atuguminaqtunik, ajurnaitumik , auladjutikharnik uminga qayangnairutikharnik aulatitihimaqtunun havaktinik. Avatiliqijitkut qajangnairutikharnik naunairutiqarniaqtuq naunaitkutitigun malrungnik hanigaiqarluni qataqjuangit, kivugarviqagumi uqhuqjuanik avaliqidjutikharnik angijumik piqaqtukhaq, ilikkut aulajukharnik mihingnautiqaqtun ququurutitlu, allanik hunavalungnik piqarniaqtuq. Ilikkut aulajukharnik qaptiliqidjutikharnik piqarniaqtuq allaniklu qaptiliqidjutikharnik qajangnairutikharnik naunairutiqarniaqtun ilauniarhutiklu.

Nuutaamik pauwaqtuutivikhaq naunairutiqarniaqtuq ajungnaitumik himautikharnik ingniqutikharnik, talvuuna aulatitijaangat hivunirmi angiklijumirutikharnik ihuaqhaidjutikharniklu. Alrujaqtuutikhangit ilugairvikhangit pauwaqtuutiqarvikharnik naunaijainiaqtun ajungnaitumik

auladjutikharnik hivunirmi atuqtakharnik taimaitunik anurimi hiniqinirmilu pauwaktuutikharnik, tapkuninga baatuliikhat tutquqtirvikharnik. Pauwaqarvikhaq piqarniaqtuq imagiktumik imarmik qatarjunik anaqtautit qatarjumik, iglumi atuqhimaqaqtakharnik.

Nappaktirinirmun ilaliutihimajuq urhuqjuaqarvighaa malruk 90 litre urhuqjuaqarviik, urhuqjuamiklu-papautiqaghuni igluqpak. QEC upalungaiqhimajut napaktiriami Quonset aqhaluutiqaqvikanut, transformer mik tamayaqaqviqaqluni, naparialgit tutquumiviqhainnik, kingiqtaq glycolmik qattaryuarmiklu tamayaqaqviqaqluni iqqakuuqviqhaqaqluni tuglianilu Qatarjuangit najugakhaanik kuviliatkutikhangit.

Najugahait nuutiqtauhimaqut havaktinun hiniktarvighait, umiakkut uhidjutit, parnallu ingniqqut. Ihuaqhaidjutit atuqtaujunun auladjutinun pijariaqarniaqtuq ataliqluni nutaamun pauwaqarvingmun. Uqhuarnik nuutirutikharnik tuqhuanik, naamavjaktuq 30-miitanik urhuqjuamun tughuanga havaktauniaqtuq ataliriangnai Urhuqjualiqlijiit Havagvianun (PPD) urhuqjuamik tutquumaviinun najugarmi. Tuqhujuangit ilaliutihimaniaqtait naunaitkutingnik munagidjutiqlarluni kuhiqtaqtuqaqqan.

Tukhikhimajuq nuutaaq nuna najugakhaa anginiqaqtuq taima 6,000 kikkariktut miitanik najugalik haniani PPDkut qatarjuangit najugaini. Najugaa tughiqtaujuq pauwaqarvighamun tikuaqtauhimajuq haamlatkunin havagvikjuanun nuna atugahaq.

Uuktuutaa tuniyauyuq an'ngiqtaupluni Hamalatkunnit Kugaarukmi. Qiqaijalirvia 11, 2021, pijagiikhimaliqtun titiraqharnik hamlaatkutnin.

Piqangittuq huradjat najugaanik, imarmiuniklu, avikturviuvimi Kanadamilu min'nguiriinnik Inuit nunagijainnikluunniit hulaqutikpat pauwaqarvikhaannik najugakhanik. Ingilraarnitarnik nalvaaqhiutiit ajungnautiqagianganik ihivriudjutikharnik aulavakhimajuq Taaqhivaliavia 2021mi, piqangitun pitquhiliqinikkut ingilraarnitangnik najugaqangitun talvani najugakhaani.

Havaktiqarnikkut mikhaatigun, qaffiuniit, 22 havaktit tikuaaktauniaqtun ihariagijauniaqtut najugaani napaqtitirilugit. Aadjikkiilimaittuq nampait havaktiqhanik nappaktiliqata. Kaantraaktitauyuq ihumaliurniaqtuq kaffiuyaaqhainnik havaktiqarniaqtuqhanik tikiutiyaami iniktirutaa havaaqhami. Katulaaktut pijaghaqarniaqtut pitqujaunirmun Inuinnarnik havaktitilutik tamainun napaqtitirnimun havaaghanun.

QECkut havaktiqagtun Kugaarukmi munagihimaagtun ubluq tamaat auladjutikharnik talvani utuqangumik pauwaqarvingmi. Ilaliutilgitlu havainnaktumik Pauwaqaqviami Atan'nguyamik, malruungnik havakaffuktunik Ikayuqtiuyunik. Havaktut hadja nuutiqhun'nguyut nutaamun pauwaqaqviannut iniktiqqat. Nutaanik havaktiqalimaittut haffumunga havaakhamun.

Amigaingniatigut nappaktirinirmun tamayait Havaaqhamut agyaqtauniaqtut umiakkut. Ilangit tamajait niuviktauniaqtun nunanganit agjaqtaulutikluunniit tingmitikkut naunairutilugit aktilaangit kaffiutilangillu. Kantraaktitauyuq munariyaqarniaqtuq naunaiqlugit tamayanik atuqtaqhanik nappaktiliqqat. Ilaliutiniagungnaqhiyuqlu aadlamik kaantraaktitauyuqhamik nunainnagiyauyumi in'ngilragutikkut tamayanik talvunggaqtaulutikluunniit nunallaamun umiakkut.

Una havaakhaq niriuktaujuq tunihiluni tamainun ikajuutinik Haamlanganun Kugaarukmi ihuatqiamik atungniranun urhuqjuanic mikhijuumiqrutijuqlu pujuqmik tingivralaaqtumik. Pipkainiaqtullu QEC-kunnut nakuuhivalliajutikhaanun pauwaqautikkut nunallaami, ikajuutikhanik amigaikpallianingat nunanganut, tikiutilugulu hivunikhaliuqtat qajangnaittumik, ihuaqtumik pauwakhainnik nunanganut kivgaqtuqhimaagtamingnut.